

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U BANOVIĆIMA  
Broj: 127 0 Pr 081892 24 Zm  
Banovići, 27.12.2024. godine

Općinski sud u Banovićima, sudija Jasminka Radunović-Kostić, uz učešće zapisničara Ikanović Ajiše, rješavajući po zahtjevu MUP-a, TK-a, PU Banovići, za izricanje zaštitnih mjera učiniocu nasilja u porodici F.M., na osnovu člana 3. stav 2., člana 4., člana 9. stav 1. tačke 2. i 3., član 9 stav 2. i 3. i člana 19. i 21. Zakona o zaštiti od nasilja u porodici ("Službene novine F BiH", broj: 20/13), dana 27.12.2024.godine, donio je sljedeće:

## RJEŠENJE

**F.M.**, sin M., rođen ... godine u T., nastanjen u naselju ..., općina B., državljanin BiH, sa JMBG: ... .

### Što je

Dana 26.12.2024.godine u 22:40 sati R.G., putem telefona prijavila svog zeta F.M. što je pretukao svoju suprugu L.S. u porodičnoj kući u naselju ..., u porodičnoj kući uz prisustvo njihove djece Mldb.1. i Mldb.2. nakon verbalnog konflikta, te u jednom trenutku fizički napao L.S. na način da ju je uhvatio za lijevu ruku i povukao te joj zadao jedan udarac vanjskim dijelom otvorene šake u predjelu usta nakon čega je F.M. napustio kuću te otišao na posao u treću smjenu. Obzirom da su na L.S. uočene vidne povrede u predjelu lijeve nadlaktice i usta istoj je sugerisano da se javi u Dom zdravlja Banovići radi ukazivanja ljekarske pomoći, te su povrede evidentirane u knjizi pregleda pod rednim brojem 1981,

iz čega proizilazi osnovana sumnja da je počinio radnju nasilja u porodici iz člana 7. stav 1. tačke 1., 2., 3. i 5. Zakona o zaštiti nasilja u porodici prema Zakona o zaštiti nasilja u porodici prema svojoj vanbračnoj supruzi, pa mu sud, na osnovu člana 9. stav 1. tačke 1., 3., 4. i 5. a u vezi sa članom 13., 14. i 15. istog Zakona

## IZRIČE

**1. F.M. IZRIČE SE ZAŠTITNA MJERA ZABRANE UZNEMIRAVANJA ILI UHOĐENJA OSOBE IZLOŽENE NASILJU svojoj vanbračnoj supruzi L.S. u trajanju od 2 (dva) mjeseca i to na svim javnim mjestima i na adresi stanovanja, odnosno u stambenoj jedinici u kojoj žrtva nasilja stanuje.**

**2. F.M. IZRIČE SE ZAŠTITNA MJERA ZABRANE UZNEMIRAVANJA ILI UHOĐENJA OSOBE IZLOŽENE NASILJU svojoj vanbračnoj supruzi L.S. u trajanju od 2 (dva) mjeseca i to na svim javnim mjestima i na adresi stanovanja, odnosno u stambenoj jedinici u kojoj žrtva nasilja stanuje.**

**F.M.** je dužan postupiti u skladu sa izrečenim zaštitnim mjerama u smislu člana 45. Zakona o zaštiti od nasilja u porodici.

Izrečene zaštitne mjere provest će MUP-a TK-a, PU Banovići, PS Banovići, uz saradnju JU Centrom za socijalni rad Banovići.

Izrečene zaštitne mjere počinju teći od dana donošenja rješenja.

Žalba na ovo rješenje ne odlaže izvršenje rješenja.

Troškovi postupka padaju na teret budžetskih sredstava.

## **O b r a z l o ž e n j e**

MUP-a, TK –a, Policijska uprava Banovići, je svojim aktom broj: 08-06/13-2-03.1-2-14/24 od 27.12.2024. godine Općinskom sudu Banovići podnijela zahtjev kojim se traži da se F.M., izreknu zaštitne mjere zbog preduzetih radnji nasilja u porodici, iz člana 7. stav 1. tačke 1., 2., 3, 4., 5. Zakona o zaštiti nasilja u porodici prema svojoj vanbračnoj supruzi L.S., što je je pretukao u porodičnoj kući u naselju ... .

Zahtjev za izricanje zaštitne mjere MUP-a, TK-a, Policijska uprava Banovići, je obrazložila navodeći da je dana 26.12.2024.godine u 22:40 sati R.G., putem telefona prijavila svog zeta F.M. što je pretukao svoju suprugu L.S. u porodičnoj kući u naselju ...

Po navedenoj prijavi postupala je patrola policije u sastavu J.B., A.M., gdje su u naselju G. pronašli L.S., te sa istom obavili razgovor na okolnosti navedene prijave, gdje je L.S. izjavila da je došlo do verbalnog konflikta između nje i njenog supruga F.M., a sve zbog bračnih nesuglasica. Da bi u jednom trenutku F.M. po izjavi L.S. istu fizički napao na način da ju je uhvatio za lijevu ruku i povukao, te joj zadao jedan udarac vanjskim dijelom otvorene šake u predjelu usta, nakon čega je F.M. napustio kuću te otišao na posao u treću smjenu. Zlatka napominje da se navedeno dogodilo u porodičnoj kući uz prisustvo njihove djece Mldb.1. i Mldb.2. Obzirom da su na L.S. uočene Vidne povrede u predjelu lijeve nadlaktice i usta, istoj je sugerisano da se javi u Dom zdravlja Banovići radi ukazivanja ljekarske pomoći, što je L.S. i učinila.

U Domu zdravlja Banovići ukazana je medicinska pomoć L.S., a od strane dežurnog ljekara konstatovane su povrede koje su evidentirane u knjizi pregleda pacijenata ove ustanove pod rednim brojem 1981. Patrola policije je L.S. pozvala u PS Banovići gdje je dežurni istražitelj OKP PU M.S., nakon što je o događaju upoznao dežurnog tužioca Kantonalnog tužilaštva TK-a, poduzeo radnje na dokumentovanju krivičnog djela „Nasilje u porodici“. Upoznat i predstavnik Centra za socijalni rad Banovići Čamdžić Elvir koji je saglasan da se F.M. izreknu predložene zaštitne mjere.

Uz svoj zahtjev MUP-u, TK-a, PU Banovići priložili su: fotokopiju službene zabilješke broj: 2514/24 od 26.12.2024.godine, zapisnik o saslušanju svjedoka L.S. MUP-u, TK-a, PU Banovići, Odjeljenje kriminalističke policije broj: 08-06/13-1-306/24 od

27.12.2024. godine i zapisnik o saslušanju svjedoka F.M. MUP-u, TK-a, PU Banovići, Odjeljenje kriminalističke policije broj: 08-06/13-1-306/24 od 27.12.2024. godine.

Van usmenog pretresa, a na osnovu člana 19. stav 1., a u vezi sa stavom 3. i 4. istog člana i primjenom člana 66. Zakona o prekršajima F BiH, sud nije pozivao nasilnu osobu iz razloga propisanih članom 19. Zakona o zaštiti od nasilja u porodici, jer je imao dovoljno nespornih dokaza za izricanje zaštitnih mjera shodno članu 19. stav 1. citiranog Zakona, pri čemu je cijenio hitnost postupanja kod izricanja zaštitnih mjera propisane članom 9. stav 1. tačke 2., 3. i 4. istog Zakona.

Sud je svoju odluku zasnovao na izvedenim materijalnim dokazima po prijedlogu podnosioca zahtjeva za izricanje zaštitnih mjera, a koja je hitnog karaktera kako to propisuje član 19. stav 1. Zakona o zaštiti od nasilja u porodici iz kojih jasno proističe da je nasilna osoba postupala na način kako je to opisano u zahtjevu za izricanje zaštitne mjere i da je činio radnje koje su propisane članom 7. stav 1.. tačke 1., 2., 3., 4., i 5. Zakona o zaštiti od nasilja u porodici.

U MUP-a, TK-a, PU Banovići, Odjeljenje kriminalističke policije dana 27.12.2024.godine svjedok L.S. odbila je svjedočenje protiv svog supruga, te ne želi da se protiv njega vodi krivični postupak.

Nakon navedenog u MUP-a, TK-a, PU Banovići, Odjeljenje kriminalističke policije dana 27.12.2024. godine saslušan je svjedok F.M., koji je izjavio da je u braku L.S. već treću godinu od 2021. godine, gdje sa istom ima Mldb.1 koja je stara 20 mjeseci, kao i njenog Mldb.2 kojeg L.S. ima iz njenog predhodnog braka a kojeg je on prihvatio kao da mu je rođeno dijete. Zadnjih nekoliko mjeseci počeli su problemi između njega i L.S. u vidu verbalne rasprave oko njenog ponašanja prema njemu, prema djeci, njenog neodržavanja kuće u kojoj žive, gdje stalno kada dođe s posla zatiče mnogo neurednosti, prljavštine, zapuštenu djecu i slično. Zlatka se ujutro budi oko 11 sati, dok djeca ustanu oko 8 sati, i na taj način se ne ophodi prema njihovoj djeci kao prava majka. Takođe on pored svojih radnih obaveza, kada je kući, njihovu djecu kupa, čisti i održava jer vidi da to L.S. ne radi. Često je pokušavao da razgovara sa L.S., da ona mora da se promijeni na način da više vodi brigu o njihovoj djeci, oko urednosti kuće jer je stvarno veliki peksinluk u kući. Dana 25.12.2024. godine oko 11:00 sati L.S. mu je kazala da želi da ide kod svojih roditelja u P., na što joj je kazao „gdje ćeš sa dvoje male djece po ovakvom vremenu, vidiš da snijeg ne prestaje da pada“, na što mu je ona odgovorila da želi da ide, gdje on njoj nije zabranjivao. Pošto je tada snijeg bio puno napadao, on nije mogao da izađe sa svojim autom koje je bilo parkirano ispred kuće, L.S. je pozvala taksi i otišla svojim roditeljima. Od tada kada je L.S. otišla, nisu se čuli sve do dana 26.12.2024. godine, kada se L.S. javio oko 15:00 sati putem aplikacije „Messenger“ i pitao je kada može vidjeti svoju Mldb.1 jer nije znao kada će se L.S. vratiti, na šta mu je ona kazala kako ona nije od njega pobjegla, nego je otišla u goste, na šta je on L.S. odgovorio da je nije istjerao, da je uzela djecu i otišla od njega sa zahtjevom da njoj i djeci iznajmi stan kako bi oni živjeli u B.. Sa L.S. se dogovorio da on ode po nju kod njenih roditelja oko 20:00 sati, otišao je kod njih, gdje je dočekan prijateljama, uvredama od strane L.S. majke

i brata M.G. Na sve te njihove riječi nije ništa odgovarao, samo je uzeo svoju ženu L.S. i dvoje njihove mlade djece, sjeli u auto i krenuli njihovoj kući u G.. Kada su došli kući, sa L.S. je razgovarao o njihovom životu, i pitao je da li ona želi da nastave da žive normalnim životom, u harmoniji, slaganju, bez uplitanja njenih roditelja, bez peksinluka i prljavštine, sa više njene brige oko djece i higijene u kući. Tada mu je L.S. kazala da on nema nikakvo pravo, da je pola imovine njeno, da će ga natjerati da joj isplati pola njene imovine, da izađe iz kuće koju je on a kupio od para koje je dobio prodajom stana koji je naslijedio od svoje majke K., gdje mu je L.S. kazala da kada ode u noćnu smjenu, ona će zaključati vrata od kuće i neće mu dati da uđe u kuću. Na sve to L.S. je kazao „samo probaj da mi zabraniš ulazak u moju kuću, i ako zaključaš vrata, otključat ćeš policiji i socijalnom radniku". Nakon toga je oko 22:10 sati otišao iz kuće u uputio se u pravcu rudnika gdje radi. Navodi da L.S. fizički nije udario niti je na bilo kakav način povrijedio i tvrdi da je ona sve to izmislila, kako bi njega prijavila policiji. Dana 27.12.2024. godine oko 06:20 sati došao je s posla svojoj kući, gdje nije zatekao L.S. niti njihovu djecu. L.S. je odmah napisao poruku i pitao je gdje se nalazi, na što mu ista ništa nije odgovorila. Tada ga pozvala policija i odmah se odazvao u službene prostorije PS Banovići. Izjavio je da ne želi više da živi sa L.S., jer je uvidio da između njih nema zajedničkog života.

Naime, na temelju prijave R.G. u MUP-a, TK-a, PU Banovići, sačinjena je službena zabilješka broj: 2514/24 od 26.12.2024.godine, zapisnik o saslušanju svjedoka L.S. MUP-u, TK-a, PU Banovići, Odjeljenje kriminalističke policije broj: 08-06/13-1-306/24 od 27.12.2024. godine i zapisnik o saslušanju svjedoka F.M. MUP-u, TK-a, PU Banovići, Odjeljenje kriminalističke policije broj: 08-06/13-1-306/24 od 27.12.2024. godine, sud je utvrdio da postoje osnovi sumnje da je F.M., počinio radnju nasilja u porodici iz člana 7. stav 1. tačke 1., 2., 3., 4. i 5. Zakona o zaštiti nasilja u porodici prema svojoj vanbračnoj supruzi.

Cijeneći materijalne dokaze dostavljene uz zahtjev za izricanje hitne mjere zaštite, proizilazi da problemi fizičkog i psihičkog zlostavljanja prema žrtvi nasilja i duže vremena traju, pa je sud na osnovu materijalnih dokaza zaključio da je L.S. žrtva nasilja u porodici .

Na osnovu naprijed navedenih materijalnih dokaza i to službene zabilješke broj: 2514/24 od 26.12.2024.godine, zapisnika o saslušanju svjedoka L.S. MUP-u, TK-a, PU Banovići, Odjeljenje kriminalističke policije broj: 08-06/13-1-306/24 od 27.12.2024. godine i zapisnika o saslušanju svjedoka F.M. MUP-u, TK-a, PU Banovići, Odjeljenje kriminalističke policije broj: 08-06/13-1-306/24 od 27.12.2024. godine, sud nalazi da je u cilju buduće zaštite osobe izložene nasilju neophodno izreći predložene zaštitne mjere, te da je zahtjev podnosioca osnovan, jer cijeni da postoji opasnost da bi F.M. mogao ponovo učiniti nasilje u porodici, kao i da bi se eventualno mogla uznemiravati kao žrtva nasilja, zbog čega je bilo potrebno odrediti i mjere zabrane približavanja žrtvi nasilja na svim javnim mjestima i mjestu boravišta zabrane uznemiravanja ili uhođenja osobe izložene nasilju.

Sud je **F.M.** izrekao zaštitnu mjeru zabrane približavanja žrtvi nasilja te zaštitnu mjeru zabrane uznemiravanja i uhođenja osobe izložene nasilju, u trajanju od po 2 (dva) mjeseca, a koje mjere su navedene u izreci rješenja iz kojih razloga sud nalazi da su izrečene zaštitne mjere u trajanju kao u izreci dovoljne za otklanjanje ugroženosti osobe izložene nasilju odnosno da će se ovim zaštitnim mjerama osigurati potrebna zaštita osobe izložene nasilju.

MUP-a TK-a PU Banovići, PS Banovići na čijem području su nastanjene žrtve nasilja u porodici, je obavezna postupiti u smislu Pravilnika o načinu provedbe zaštitnih mjera koje su u nadležnosti policije ("Službene novine F BiH" broj: 9/06).

Policijska uprava Banovići uz saradnju JU Centrom za socijalni rad Banovići dužna je pratiti izvršenje zaštitnih mjera i izvještavati sud svako 30 dana, a po potrebi i ranije, a u skladu sa članom 22 a. Zakona o zaštiti od nasilja u porodici.

Centar za socijalni rad Banovići, na čijem području je nastanjena žrtva nasilja u porodici, dužan je postupiti po članu 42. stav 1. Zakona o zaštiti od nasilja u porodici „Službene novine F BiH“ br. 20/13) .

Centar za socijalni rad Banovići na čijem području je nastanjena žrtva nasilja u porodici, je obavezna postupiti u smislu Pravilnika o načinu provedbe zaštitne mjere, mjera koje su u nadležnosti Centra ("Službene novine F BiH" broj: 22/05) i osigurati provođenje izrečene zaštitne mjere, te o ne provođenju iste obavijestiti ovaj sud.

**F.M.** je dužan postupiti u skladu sa izrečenim zaštitnim mjerama u smislu člana 45. Zakona o zaštiti od nasilja u porodici, u suprotnom može se kaznit za prekršaj novčanom kaznom u iznosu od 1.000,00 KM do 1.500,00 KM.

Odluku o troškovima postupka sud je donio na temelju člana 5. Zakona o zaštiti od nasilja u porodici.

Sudija,  
Jasminka Radunović-Kostić

**Pouka o pravnom lijeku:**

Protiv ovog rješenja može se izjaviti žalba Kantonalnom sudu u Tuzli u roku od tri (3) dana od dana dostavljanja rješenja. Žalba se podnosi putem ovog suda u dva (2) istovjetna primjerka. Žalba ne odlaže izvršenje rješenja.